



Broj: 05-3535-3/17

Sarajevo, 12. 10. 2017. godine

Na osnovu članova 69. stav (2) tačka d) i 70. stavovi (1) i (3) Zakona o javnim nabavkama („Službeni glasnik BiH“ broj 39/14, u nastavku: Zakon), Preporuke Komisije za provođenje postupka nabavke usluga iz oblasti odnosa s javnošću i kriznog komuniciranja iz Zapisnika o pregledu i ocjeni ponuda broj: 05-3535-2/17 od 11. 10. 2017. godine i člana 22. Statuta Agencije za bankarstvo Federacije BiH („Službene novine Federacije BiH“ broj 42/04), direktor Agencije za bankarstvo Federacije BiH donosi

ODLUKU

o poništenju postupka javne nabavke usluga

I.

Poništava se postupak javne nabavke usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH, s obzirom da nijedna od primljenih ponuda nije prihvatljiva.

II.

Ponude ponuđača: „Mita Group d.o.o. Sarajevo“, „Appssolut“ d.o.o. Sarajevo, i „Pristop“ d.o.o. Sarajevo, odbijaju se kao neprihvatljive.

III.

U skladu s članom 70. stavom (6) Zakona, Agencija za bankarstvo Federacije BiH će objaviti ovu odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku.

IV.

Ova odluka stupa na snagu danom donošenja.

OBRAZLOŽENJE

Odlukom o pokretanju postupka nabavke usluga, broj 05-3535/17 od 11. 09. 2017. godine odobreno je pokretanje postupka javne nabavke usluga iz oblasti odnosa s javnošću i kriznog komuniciranja, s namjerom zaključenja ugovora o nabavci predmetnih usluga na period od 1 (jedne) godine.

S obzirom da su navedene usluge svrstene u kategoriju usluga iz Aneksa II. dio B Zakona postupak je proveden u skladu s odredbama Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj 66/16).

Poziv za dostavu ponuda za nabavku predmetnih usluga objavljen je na internetskoj stranici ugovornog organa, uz istovremeno upućivanje istog na adrese trojice potencijalnih ponuđača.

Nakon isteka roka za dostavu ponuda konstatovano je da su ponude po ovom predmetu nabavke u zadanom roku podnijeli ponuđači: „Mita Group“ d.o.o. Sarajevo, „Appssolut“ d.o.o. Sarajevo i „Pristop“ d.o.o. Sarajevo.

U skladu s odredbama Zakona i procedurama ugovornog organa, Komisija je pristupila pregledu i ocjeni pristiglih ponuda u pogledu ispunjavanja zadanih kvalifikacijskih uslova, te na osnovu izvršene analize utvrdila određene nepravilnosti u dostavljenoj dokumentaciji kod svih ponuđača, pa su iste ocijenjene kao neprihvatljive iz slijedećih razloga:

- a) Ponuđač „Mita Group“ d.o.o. Sarajevo nije ispunio minimalne uslove za kvalifikaciju ponuđača navedene u poglavlju III., tačka 1., podtačka 1.3. (Tehnička i profesionalna sposobnost – član 50. Zakona), tako što u dostavljenim potvrđama drugih ugovornih strana nije navedena vrijednost realizovanih ugovora, kako je traženo u tački 1.3. Poziva za dostavu ponuda.
- b) Ponuđač “Appssolut“ d.o.o. Sarajevo nije ispunio minimalne uslove za kvalifikaciju ponuđača navedene u poglavlju III. tačka 1., podtačka 1.3 (Tehnička i profesionalna sposobnost – član 50. Zakona), s obzirom da nije dostavio dokaze o ispunjenju uslova koji su navedeni u podtačkama a) i d), odnosno ovjerenu i potpisanu potvrdu druge ugovorne strane o realizaciji ugovora, kao običnu kopiju originala, kako je traženo u tački 1.3. Poziva za dostavu ponuda. Pored navedenog, ovaj ponuđač je u prilogu 2 – u obrascu za cijenu ponude nepravilno izvršio ispravku broja (cijene), u dijelu koji se odnosi na dati popust, na način da ispravljeni podatak nije ostavio vidljivim, niti je ispravka potvrđena potpisom i datumom izvršene ispravke, što je u suprotnosti s članom 18. Uputstva za pripremu modela tenderske dokumentacije i ponuda.
- c) Ponuđač „Pristop“ d.o.o. Sarajevo nije ispunio minimalne uslove za kvalifikaciju ponuđača navedene u poglavlju III., tačka 1., podtačka 1.3. (Tehnička i profesionalna sposobnost – član 50. Zakona), tako što nije dostavio dokaze/izjave kao posebne dokumente, kako je traženo u tački 1.3. Poziva za dostavu ponuda (dokazi pod b) i c).

Slijedom navedenog, Komisija je u Zapisniku o pregledu i ocjeni ponuda, broj i datum iz uvodnog dijela ove odluke, predložila da se u skladu s članom 68. stav (1) Zakona sve prispjele ponude odbiju jer ponuđači nisu u cijelosti ispunili zadane uslove za kvalifikaciju iz Poziva za dostavu ponuda, te dala preporuku da se u skladu s članom 69. stavom (2) tačkom d) Zakona, obzirom da nijedna od primljenih ponuda nije prihvatljiva, predmetni postupak nabavke poništi.

Uvažavajući sve navedeno, odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalba se podnosi u dovoljnome broju primjeraka, a koji ne može biti manji tri.



DIREKTOR

Jasminahmuzić

Dostaviti:

- svim učesnicima u postupku
- a.a.